

寒溫條辨

卷二



傷寒溫病條辨目錄卷二

陽證辨

陰證辨

陽證似陰辨

陰證似陽辨

陽毒陰毒辨

表證辨

表裏兼證辨

裏證辨

發熱辨

惡寒辨

惡風辨

頭痛辨

身痛辨

不眠辨

多眠辨

自汗辨

盜汗辨

頭汗辨

手足心腋下汗辨

結胸痞氣辨

腹滿辨

小腹滿辨

腹痛辨

煩熱辨

潮熱辨

往來寒熱辨

譫語辨

鄭聲辨

發狂辨

發斑疹辨

發黃辨

畜血辨

衄血辨

吐血辨

凡三十四條

傷寒溫病條辨卷二

陽證

凡治傷寒溫病。最要辨明陰陽。若陰陽莫辨。則寒熱
紊亂。而曰不誤於人者。未之有也。如發熱惡寒。頭痛
身痛。目痛。鼻乾。不眠。脇痛。寒熱而嘔。潮熱。譫語。詈罵。
不認親疏。面紅光彩。唇燥。舌黃。胸腹滿痛。能飲冷水。
身輕易動。常欲開目。見人喜言語。聲響亮。口鼻之氣。
往來自如。小便或黃。或赤。或溷濁。或短數。大便或燥
秘。或膠閉。或挾熱下利。或熱結旁流。手足自溫。煖。爪

甲自紅活。此陽證之大略也。傷寒陽證有表有裏。隨證治之。方論詳後。用宜分清溫病。陽證有表證無表邪。一於清熱導滯而已。尤要辨明是傷寒是溫病。斷不可溷而一之。傷寒得天地之常氣。由氣分傳入血分。溫病得天地之雜氣。由血分發出氣分。但其中證候相參。從來混淆。倘分別一有不清。則用藥死生立判矣。今人不辨寒溫。好用熱藥。而不知涼藥之妙。且難也。

凡傷寒未傳寒中而爲陰證。與陰寒直中三陰而爲陰證。或惡寒戰慄。面時青黑。或虛陽泛上。面雖赤而不紅。活光彩。身重難以轉側。或喜向壁臥。或踈臥欲寐。或閉目不欲見人。懶言語。或氣微難以佈息。或口鼻之氣自冷。聲不響亮。或時燥擾煩渴。不能飲冷。或脣青。或胎黑而滑。手足厥逆。爪甲青紫。血不紅活。小便清白。或淡黃。大便下利。或塞結。或熱在肌肉之分。以手按之。殊無大熱。陰勝則冰透手也。雖是發熱。與陽證不同。不可以面赤煩渴。誤作陽證。須要辨別明。

白其用藥自是理中四逆白通一派溫病無陰證。然或四損之人亦有虛弱之人。但其根源原是溫病。卽溫補藥中亦宜兼用滋陰之味。若峻用辛熱恐真陰立涸矣。仲景傷寒少陰病於附子湯真武湯中用白芍。卽此義也。景岳理陰煎大溫中飲自謂雲騰致雨之妙。自我創始。其實亦本仲景此義而爲之者也。後人之千方萬論。未有見出乎範圍之外者。

陽證似陰

陽證似陰。乃火極似水。眞陽證也。蓋傷寒溫病熱輒

失於汗下。陽氣亢閉鬱於內。反見勝已之化於外。故凡陽厥輕。則手足逆冷。涼過肘膝。劇則通身冰冷如石。血凝青紫成片。脉沈伏濇。甚則閉絕。以上脉證。悉見純陰。猶以爲陽證。何也。及察內證。氣噴如火。譫語煩渴。咽乾唇裂。舌胎黃黑。或生芒刺。心腹痞滿脹痛。舌捲囊縮。小便短赤。涓滴作痛。大便燥結。或膠閉。或挾熱下利。或熱結旁流。或下血如豚肝。再審有屁極臭者。是也。粗工不察。但見表證。脉體純陰。便投溫補。禍不旋踵。大抵陽證似陰。乃假陰也。實則內熱而外。

寒在傷寒以大承氣湯下之。有潮熱者六一順氣湯。
熱甚合黃連解毒湯。在溫病雙解涼膈加味六一。
毒承氣之類。斟酌輕重。消息治之。以助其陰而清其
火。使內熱既除。則外寒自伏。易所謂水流濕者。卽此
義也。此與陽勝格陰例同。王太僕所謂病人身寒厥
冷。其脉滑數。按之鼓擊指下者。非寒也。余謂溫病火
閉而伏。多見脉沈欲絕。不盡滑數鼓擊也。要在詳證
辨之。

陰證似陽

似陰似陽二證
分析不清死生
立判溫病無陰
證

陰證似陽。乃水極似火。真陰證也。蓋傷寒傳變三陰而爲陰證。或陰寒直中三陰而爲陰證。陰勝於內。逼其浮游之火發於外。其脉沈微而遲。或沈細而疾。一息七八至。或尺衰寸盛。其證面赤煩燥。身有潮熱。渴欲飲水。或咽痛。或短氣。或嘔逆。大便陰結。小便淡黃。驚惶不定。時常鄭聲。狀類陽證。實陰證也。粗工不察。但見面赤煩渴。咽痛便秘。妄投寒涼。下咽立斃。大抵陰證似陽。乃假陽也。實則內寒而外熱。急以白通附子通脉。四逆湯之類。加入人參。填補真陽。以引火歸源。

分辨陰陽極細
又以溫病無陰
證實之讀者宜
留意焉

但使元氣漸復。則熱必退藏。易所謂火就燥者。卽此義也。此與陰盛格陽例同。王太僕所謂身熱脉數。按之不鼓擊者。非熱也。但陽證似陰。與陽證傷寒溫病家通有之。而陰證似陽。與陰證。此值正傷寒家事。溫病無陰證。古人未曾言及。後人多不知此。吳又可其先覺乎。

按寒熱有真假者。陽證似陰。陰證似陽。是也。蓋熱極反能寒。厥乃內熱而外寒。卽眞陽假陰也。寒極反能燥熱。乃內寒而外熱。卽眞陰假陽也。假陰者。最忌溫

假陰脉最足誤
人宜細心辨之

補假陽者最忌寒涼。察此之法。當以脉之虛實強弱。爲主。然洪長滑數強實有力。眞陽脉。固多而沈伏細。濇六脉如絕。假陰脉亦不少。可知不唯證之陰陽。有真有假。卽脉之陰陽。亦有真有假。死生關頭。全在此分。噫。醫道豈易易哉。

吳又可曰。陰陽二證。古方書皆對待言之。以明其理。世醫以陰陽二證。世間均等。臨診之際。泥於胸次。往來惆悵。最易牽入誤揣。甚有不辨脉證。但窺其人多蓄少艾。或適在娼家。或房事後得病。或病適至行房。

問及於此。便疑爲陰證。殊不知病之將至。雖童男室女。曠夫寡妻。僧尼閹宦。勢不可遏。與房慾何涉焉。即使素多少艾。頻宿娼家。房事後適病。病適至行房。此際偶值病邪。氣壅火鬱。未免發熱。到底終是陽證。與陰證何涉焉。况又不知陰證實乃世間非常有之證。而陽證似陰者。何日無之。究其所以然者。不論傷寒溫病。邪在胃家。陽氣內鬱。不能外布。即便四逆。所謂陽厥是也。仲景云。厥微熱亦微。厥深熱亦深。其厥深者。輕則冷過肘膝。脈沈而微。重則通身冰冷。脈微欲

絕雖有輕重之分。總之爲陽厥。因其觸目皆是。苟不得其要領。於是誤認者良多。況且溫病每類傷寒。再不得其要領。最易混淆。夫溫病雜氣直行中焦。分佈上下內外。大熱陰證。自何而來。予治溫病數百人。僅遇一二正傷寒。卽令正傷寒數百人。亦不過一二真陰證。又何必纔見傷寒。便疑爲陰證。況多溫病。又非傷寒者乎。人亦可以憬然思。翻然悟矣。按吳氏溫病無陰證一語。

開萬古之屯蒙。救無窮之天枉。

按仲景曰。陽證見陰脉者死。類經註云。證之陽者假

實也。脉之陰者，真虛也。陽證，陰脉，卽陰證也。夫證之陽而曰假實，自是假陽證矣。假陽證，自是真陰證，可知矣。脉之陰而曰真虛，自是真陰脉矣。真陰脉，自是真陰證，更可知矣。此真陰假陽，所謂陰證似陽是也。卽王太僕所謂陰盛格陽是也。宜用溫補之藥，無疑矣。今人一遇壯熱煩渴，譫語狂亂，登高棄衣，而聲音嘹亮，神色不敗，別無敗壞陽德之狀，但厥逆，脉伏沈瀽如絕，便以爲陽證，見陰脉而用溫補之藥，禍不旋踵，殊不知證現內熱外寒之象，脉見沈伏微細之形。

火鬱亢極。陽氣不能交接於四肢。故體厥。脉厥。狀類陰。寒。此真陽假陰。所謂陽證似陰是也。卽王太僕所謂陽盛格陰是也。乾隆甲戌乙亥。吾邑連間數年。溫毒盛行。眼見親友。病多陽證似陰。用附子理中湯而死者。若而人。用八味九料及六味丸。合生脉散而死。者。又若而人。醫家病家。皆以爲死證。難以挽回。卒未有知其所以誤者。余深憫焉。因古人格陰似陰。體厥脉厥之說。精心研究。頗悟此理。溫病無陰證。傷寒陰證。百中一二。庸工好用熱藥。且多誤補其虛。故患陰

苦心分別鐵案
不移

至理名言

證似陽者少。壞事亦不若陽證似陰者之多也。每參酌古訓。又兼屢經閱歷。實驗得陽證似陰。乃火極似水。陽邪閉脉。非仲景所謂陽證陰脉也。輒用升降。涼膈加味。六一解毒。承氣之屬。隨證治之。無不獲效。不必疑也。特書之以爲誤認陽證陰脉之戒。可知仲景云。陽證見陰脉者。所謂戴陽是也。所謂孤陽飛越。是也。所謂內真陰而外現假陽之象。是也。非真陽證也。夫天之所以生物。人之所以有生者。陽氣耳。脉證俱無。真陽之氣。故曰死。豈若陰證見陽脉者。之尙有生。